

Awe mainta

Ex Minister Otmar Oduber ta hiba banco Corte

AWE mainta lo tin un caso den Corte di Prome Instancia despues cu ex Minister Otmar Oduber a dicidi di cana e caminda aki, aparentemente despues cu banco, Aruba Bank a nenga di habri un cuenta p'e deposita un suma di placa riba esaki.

No ta confirma aki ta di si suma di placa ta papian-do aki, pero ta dificil pa kere cu esaki lo ta un suma modesto di placa ya cu pa cualkier suma di placa un persona por habri un cuenta na cualkier banco.

Ta conoci tambe cu pa algun aña caba tin ley y reglan-an existente caminda un ciudadano por demostra cier-to suma di placa sin cu e mester duna cuenta di unda esaki ta bon y con el a yega na e placa aki.

Ta un asunto di cumpli cu varios documento c'un per-sona ta haya for di un banco pa yena y cual documen-tonan ta regla pa masha tempo caba principalmente pa medio di Banco Central y si no cumpli cu esaki, e banco por nenga di acepta e placa of habri un cuenta p'e cliente deposita su placa sin mas.

Den pasado ya caba tabatin mas di e tipo di situa-cionnan aki na varios banco ya cu ta un exigencia pa tur hende duna tur informacion cu ta rekeri, p'e suma di placa grandi cu nan lo kier deposita caminda prin-cipalmente nan tin si splica con nan a yega na placa cash aki.

For di momento cu e caso aki a bira conoci ayera den dia, a lanta cantidad di speculacion riba entre otro po-siblemente labamento di placa, pero ta un argumento cu no lo por tin base ya cu e ex Minister aki ta bon na altura di henter e proceso aki y tur loke tur banco na Aruba tin cu cumpli cu e debenan aki, stipula pa BCA. Ya caba e Minister aki ta involvi den un investigacion cu Ministerio Publico a duna e number di caso Flamin-go pa cual caso ya caba a haci entrada hudicial na su cas, na diferente negoshi di amigo y conocirnan di e ex Minister aki y tambe na varios negoshi bon conoci.

Awe mainta e caso aki lo wordo trata den Corte despues cu e ex Minister a dicidi di cana e caminda aki pa haya aceso na un cuenta bancario p'asina e por deposita su placa sin problema.



Sinembargo ta normal c'un banco por nenga di habri un cuenta pa un ciudadano y den e caso aki no mester lubida cu e ex Minister aki tin un investigacion grandi tumando lugar contra di su persona, caminda entre otro manera ex Minister Marisol Lopez Tromp a in-forma Parlamento, caminda por mira cu tin corrupcion a tuma lugar, decisionnan contra tur ley y reglanan existente a tuma, cual caba ta un motibo valido pa no habri un cuenta p'e persona aki.

Fuera di esey AWEMainta por a compronde cu no ta prome biaha un banco ta nenga di habri cuenta pa ciu-dadanonan cu haci un peticion asina, ya cu e lo ta algo cu ta sosode na varios ocasion caminda e institucion bancario ta haci uso di su derecho pa nenga e peticion aki, un decision cu por wordo tuma asina cu e banco ta kere cu no ta na su lugar pa habri un cuenta asina pa un cliente.

Awe mainta nos lo tende e argumentonan pakico Aru-ba Bank no kier habri un cuenta pa Otmar Oduber. Abogado mr. Allan Kuster lo defende Otmar Oduber y BCY Entertainment VBA – Bochinchá Container Yard, mientras cu ex-Hues y ex PG, esta abogado mr. There-sa Fernandes-Pedra lo defende e interesnan di Aruba Bank.